

出口程記

李調元撰

中華書局

出口程記

此 據 函 海 本 排 印
初 編 各 叢 書 僅 有
此 本

乾隆四十六年辛丑四月初三日酉刻接制軍檄委熱審熱河所屬之承德府七州縣本年秋讞卽撲被於初四明黎明自通州啓行竊惟熱河旗民交處地方遼闊周環二千五百餘里向未設有州縣惟置理事同知通判管轄乾隆四十三年奉旨改六廳爲六州縣改熱河同知爲承德府知府以統之其六廳一曰喀喇河屯今改灤平縣一曰八溝今改平泉州一曰塔子溝今改建昌縣一曰三座塔今改朝陽縣一曰烏蘭哈達今改赤峯縣一曰四旗廳卽土城子今改豐寧縣向例各道秋讞俱解省審勘熱河所屬以途遠解因爲難每年由臬司詳請隣近口北道親詣各州縣審錄已委永觀察保以避嫌委竊昌祥觀察鼎又以護送兵差改委通永道代之秋審大典覆勘者所以慎重民命恐有冤抑而六州縣山川風俗向所未經非因公不易至其地用是夙夜匪懈不遑安息秋讞之餘所有道里風土隨日記載亦觀俗之一端也以在古北口外故曰出口程記乾隆四十六年四月二十四日雨村記

出口程記

清 綿州李調元雨村撰

辛丑四月四日。自通州發。五十里渡白河。至順義縣。食。縣古范陽地。二十里至牛欄山。宿元聖宮。宮向稱華整。先大夫爲北路廳同知。署密雲縣時。余來往省親所宿之地。今不戒於火。廟棟摧殘。而花木尙如故也。得詩一首云。寺當火後花仍放。山入春來草自榮。惟有大椿枯臥後。更無消息望重生。

初五日。二十里至螺山。三十里至密雲縣。食。密雲古檀州地。卽漢魏之烏桓。明爲重鎮。設提督軍門駐之。城東八蜡廟。有成纒光燕山紀功碑。形如八卦。侍郎王道昆撰文。東潮河。西白河。二水來會。潮河源出口。外興州。白河由土城之西發源。是日。縣令李崧。湖南舉人。偕前令呂奎曜。四川人。候送於此。爲言密雲城爲予先大夫監築。崇墉仡如。而遺民半非矣。爲之潛然。二十里至穆家峪。向在銓部與同司文選員外鐵治亭。主事景李門。宿此作詩。余有數家臨水住。一鳥下溪行之句。二十里至九松山。山多松故名。山下有廟。頗整潔可憩。壁上有崔大司寇應塔詩。因和其韻。橋南小寺偶停蹤。嘯傲居然膝可容。人愛綠陰眠一柳。天將青色染諸峯。百年不老塔前石。萬里長思屋後松。莫道遺民半非舊。癯僧雖老尙能筇。二十里至石匣。宿。石匣以城北有石如匣故名。古金溝館也。

初六日。二十里至南澗河。山溪逼狹。亂石峭倚。似棧道中行。十里至南天門。北望邊牆。線繞峯巔。南對諸

山皆如培塿。十里至古北口。食高山巉巖。中通一線。形勝甲天下。提督軍門駐此。重鎮也。按昌平山水記。古北口水淺則絕潮河。水大則紆迴從山頂行。故石匣至古北口。計程爲六十里也。宋沈括言。自金溝館東北行。乍原乍隰。三十餘里至中頓。過頓。屈折北行。峽中濟灤水。通三十餘里。鉤折投山隙以度。所謂古北口也。時道出其西。故云然。其曰灤水。卽今之潮河也。古北口城在山上。周四里二百一十步。三門。洪武十一年立守禦千戶所。三十年改密雲後衛。領左右中前後五千戶所。其後以參將一人守之。唐書。檀州燕樂縣有東軍。古北二守捉。北口長城口也。又北八百里有吐譏真河。奚王牙帳也。金史。古北口國言曰留幹嶺。元史。古北口千戶所。於檀州北面東口置司。唐莊宗之取幽州也。遣劉光潛克古北口。遼太祖之取山南也。先下古北口。金之滅遼。希尹大破遼兵于古北口。其取燕京也。蒲葦敗宋兵於古北口。元文宗之立也。唐其勢屯古北口。撤敦追上都兵于古北口。禿堅帖木兒之入也。太子出光熙門。東走古北口。嘉靖中。俺答之犯京師也。入古北口。出古北口。故中居庸山海。而制其隱塞者。古北。喜峯二口焉。城北門外有楊業祠。業以雍熙中爲雲州觀察使。契丹陷寰州。遇於雁門北陳家谷。力戰不支。被擒。不食三日死。忠矣。然雁門之北口。非古北口也。祠於斯者。誤也。朱竹垞云。按古北口亦名虎北口。而太原汾水之北。亦有虎北口。通鑑。石晉天福元年。契丹主至晉陽。陳于汾北之虎北口。開運二年。趙延壽部曲降者。言契丹主還至虎北口。聞晉取秦州。復擁衆南向。是太原之虎北口也。王沂公上契丹事云。古北口雨旁峻崖。中有路。僅容車軌。口北有舖。穀弓連繩。木范陽防阨契丹之所。最爲隘東。出口度得勝嶺。盤道數層。俗名思鄉。

嶺八十里至新館。過雕窠嶺。偏拾嶺。四十里至臥如來館。考鑿城集蘇轍古北口詩。有魂歸故國鳥飛處。身在中原山盡邊句。又塞北小鈔云。古北口僧寺。刻宋蘇文定轍古北口道中詩云。亂山環合疑無路。小徑縈迴長傍溪。髣髴夢中尋蜀道。興州東谷鳳州西。宋史。元祐間。轍嘗代軾爲翰林學士。尋權吏部尚書。使契丹。館客者侍讀學士王師儒。能誦洵。軾之文。及轍茯苓賦。此蓋奉使時所題也。四十里至兩間房。偶憩觀音菴。題詩於壁云。關門初出客程兼。四月垂楊綠漸添。瀑布雨餘穿石罅。邊牆雲裏走峯尖。兩間房小何妨憩。一盞茶粗已覺甜。農事正忙僧未返。佛龕拋卻破楞嚴。三十里至青石梁。凡口外呼嶺。皆曰梁沿巖詰曲。大石垂額。歷十餘盤。始臻絕頂。山下即馬圈子。十里至長山峪。宿兩山多樹。是日聞有虎食驅事爲之戒心。

初七日。二十里至三道梁。二十里至王家營。食自古北口外。皆新設灤平縣所管之地。十二里至鬼子峪。十八里至灤平縣。宿縣舊名喀喇河屯。譯漢言。灤水平處也。縣令瑚嵩額。旗人。由易州通判調任。灤水發源於千里外之弓家烏。經多倫諾爾。流入灤州。以歸於海。諸峯至此稍平坦矣。形勝清秀。宛然縣治。沿河楊柳依依向人。是日始見燕子。桃花初開。

初八日。十里過雙塔山。石筍對峙。高三丈餘。卓立山頂。天生二浮岡也。十里至三岔口。十里至廣仁嶺。十里至承德府。卽熱河也。皇上每年巡幸木蘭所駐蹕之地。遙望山莊園林。祥雲蔥鬱。是日食府署。太守名當保。予故人也。劇談久之。送至河干別去。過熱河。望磬椎山上。豐下銳。石形如之。故名。東行二十里至平

台子寺後有夾牆山。壁立天半如屏風。中二層可通人行。故名。內有鴿子洞。深廣丈餘。聞野鴿常數千百。巢於此。五里度紅石喇梁。坡陀宛轉。直入雲中。回望古北口衆山。都如土簣。嶺上有關帝廟。廟中古松一株。虬蟠陰森。甚可愛。爲坐其下久之。廊間有碑文甚俚。云此去永平府遷安縣之喜峯口。不過百餘里。便可進口。下嶺五里。望見天橋山。形如橫琴。亘長數十丈。中空露天。宛然虹梁也。三十里至黃土梁。宿。是日桃李雜花。開遍山谷。聞讀書聲。出蘆簾泥壁間。琅琅可聽。按四十三年於新設州縣添學額各四名。府學六名。甫經立學。而口外編氓已臻臻向化。不負聖天子作育至意如此。益見我朝文教之遠也。是日得詩二首。度紅石喇梁云。屢屢一嶺亘虹霓。回望南天疊嶂西。日落行人千蟻上。雲開立馬萬峯低。薄裘不禁風聲刮。村屋多疑雨色迷。記得去年梅嶺路。依稀只少鷓鴣啼。黃土梁云。翠巘迎人路百灣。一重山矮一重山。漫言春已堂堂去。開遍桃花四月間。

初九日。三十里西柳溝。食。是日寒甚。得詩一首云。水細不成河。山遙漸作坡。民居依樹密。驛路傍溝多。魯酒甘如醴。居民多山東人。流寓此。吳棉薄似羅。喜聞聖化遠。到處有弦歌。三十里東柳溝。題金氏館詩云。松蘿一逕下遙岑。雲外幽居愜素心。瓦雀晴翻窗外影。隨牛午臥樹中陰。麥因雪凍芽方茁。柳爲風搜葉未深。一椀茶甘留舌本。新詩寫就自閒吟。三十五里至鳳凰山。二十五里平泉州。宿平泉書院。州舊名巴溝。兩山退分翠嶂。東橫。上通錦州。下通喜峯口。街長十六里。瓦屋鱗次。商賈輻輳。人煙稠密。口外最繁華處也。初十日。平泉州。接署中包封批回。始發。自過熱河。皆由東行。至此始轉而之北。三十里大廟。食。二十里楊

樹梁始見蒙古營名三十家子門牆各以小旗標之旗上有蒙古字爲嗎彌杆以奉佛法甚謹故家家有之家子云者如部落之稱四十里至北宮宿自平泉赴建昌途中云撲面風狂未禁當廉纖小雨點平岡山無向背隨人轉路有高低使馬強樹聳鐘樓知寺近桃開野店覺村香不須抖擻衣塵盡准擬歸時十斛量又題平泉詩一首平泉在州治之南十餘步其泉終年不增不減故曰平泉旁有碑刻平泉二字詩云細脈何年洩泉名冠一州涓涓雖自出混混總平流鏡任來人照錢當飲馬投夜闌風雨猛疑是老龍湫是日申刻大雨

十一日晴三十里至雙廟食居民三五家店壁有通州糧船圖題一絕句云誰將尺幅寫通州城郭樓船眼底收此日關心催運急風沙千里尙巴溝三十里至宋家莊村廟有演劇者三十里至建昌縣宿於書院規模甚宏敞縣舊名塔子溝縣後雙峯峭拱中嶺凹伏烟雲繚繞彷彿畫圖街市修整頗稱華富十二日大風復向北行四十五里至王鬍子店食四十五里至公營子南有小山形如覆釜上有小塔土人稱爲小塔子山二十五里過會濟山上有小白塔是日始見喇嘛寺五里至土里根宿出白菜不讓安肅此處麥皆無冬種者而獨白菜初秀地寒故也

十三日早行十五里渡大凌河河發源於塔子溝諸溪至此始大由義州入於海十五里至木頭城食商民繁庶一大鎮也西有金寶山上有泰安娘娘廟山東流寓人所建也東山有塔甚高三十里平房三十里長開兒懸崖鑿路下俯大凌河上臨絕壁壁間有碑皆蒙古字三十里至藍堂三十里至朝陽縣宿縣

舊名三座塔。以塔有三故名。今只存二座。其一於乾隆七年傾塌。市人建關帝廟補之。基阜尙存。縣南有鳳凰山。嶽崎秀削。山下有朝陽洞。縣得名以此。洞中有石臥佛羅漢。峯頂有二塔。塔下有延壽寺。寺前卽大凌河。爲一邑風水之冠。是日通判管縣事。成公安來會。得詩二首。渡大凌河云。攬轡大凌河。風聲滿樹柯。天連沙磧遠。水入亂山多。苦霧蒼蒼合。流雲淅淅過。不知遷土客。鄉思竟如何。又木頭城云。萬鴉盤陣處。遙指木頭城。人雜牛羊氣。山多虎豹聲。家家番字幟。戶戶梵文旌。莫謂邊風惡。香醪異樣清。是日理藩院差官員外郎七十五來會。又佑順寺管事大喇嘛四楞腳來獻奶茶。並送哈達。華言手巾也。以此見長官爲最敬云。是日宿關帝廟卽古靈感寺。

十四日雨。仍駐朝陽。按口外州縣金石文。唐宋以前多不可考。惟關帝廟內有新出土碑一座。高五尺。係元遼時所建。碑石間多剝落。而文字端楷可誦。今將全碑備錄於此。前一行書大遼興中府靈感寺釋迦佛教舍利塔碑銘并序。新授尚書都官員外郎遼西路錢帛判官張_{名失其}夫塔古無有也。本出於浮圖氏。自佛教東被始有之。是謂佛廟。蓋聞不遷者性也。性動者情也。性情而能有者生也。生不可常。必至於滅。滅不可已。復轉於生。於此流轉中能解生死之縛。而得不生不滅者。惟釋迦而已。故超然特立於羣聖之上。可謂天人師者也。然大業既至。終顯有爲。金身示滅。當此之際。六種震動。如須彌傾損。使諸天無所依也。嗚呼。去聖雖遠。靈跡不無。故所有舍利。爲八國以寶塔分葬之。其數凡八萬四千。爾後歷載彌久。蹟廢者甚衆。人心_{閱一恐}一墮。益復興起之。或發諸寶函。或鑿以玉粒。或葺其舊祠。或剏以新作。故塔廟之多。

跡於是也。雖殫其筋力。嘗不爲勞。然竭力貨財。亦不爲費。至若累寶簪。絡珠網。接雲漢而起。嘗不爲高。併閭閻。夷井竈。有郭郭之半。亦不爲廣。其人心勤厚有如此者。皇朝定天下以文。守天下以武。太平既久。而人心目善。故此教所以感潤一。凡民間建立佛者。靡弗如意。今此塔自太平九年潤一。城人梁氏之所建也。氏兄弟二人。長曰守廉。夙植善根。次曰道隣。潤一素願力。自童子時。已有聚沙彌懺。後果志於出家。既受具大通宗乘。先隱於龍岫之一蘭若。後爲城中人請居此寺。一日於鉢中忽出異光。不散者久之。旣而乃得舍利二粒。玉彩晶燦。不可正視。人爭傳戴之。由此乃舍衣孟。特興塔像。復求化官長并貴戚暨豪族之家。各助以金帛車服。或諸珍玩。計獲數百萬錢。共爲成辦之。於是火其塼。廣若山積。募其工。翕如雲合。負土於塔者。若蟻之累垤。汲泥於簷者。如燕之巢房。凡一十三級。通百有餘尺。珠函之靈瑞。以在乎其中。觀夫有金擗以銳其上。有廣陞以豐其下。豈徒然哉。我所貴。踴出三界而爲解脫之場也。有千歲燈以燃於內。有百鍊鏡以懸於外。亦豈徒然哉。我所貴。遍照十方而破其黑暗之獄也。且鳳鳴寶鐸。盡宣妙法。時潤一踐崇塔。亦成無上道。故一塵所霑。一影所覆。其利樂信不虛矣。噫。彼土木有穹窿而崔嵬者。勿謂我小。我小有可觀。彼金碧有燦爛而陵降者。勿謂我儉。我儉能中禮。愚勿克備述。徒止於此焉。復嘗有光數見。或有五色氣以覆之。因上聞之。以精誠有感。故靈應必通。乃敕其寺曰。靈感至大安中。有先師之弟子通教師。賜紫沙門恩幣。重修以潤色之。一先師者。蓋愚之祖母故河南太君之伯父也。塔初成曰。我先人嘗欲親志之。不意早沒。故弗克逮言。今通教師素與我先人有甥舅之愛。每一見必以此事爲託。師旣誘

我以先人之志。能弗繼之。我復成師。念先師之德。可弗述之。此者。蓋早爲其肯構也。故不敢讓。乃強爲記。云。其頌曰。既生必滅。惟性不遷。不生不滅。惟佛能然。金身雖往。靈跡可傳。舍利所至。塔廟興焉。在昔所建。八萬四千。益遠益敬。至於無邊。凡厥願力。非小因緣。有僧梁氏。獲此舍利。千佛共與。一日自至。鉢中有光。玉粒者二。苟非精誠。格茲靈瑞。乃舍衣孟。願作佛事。以情淨心。置琉璃器。藏此塔中。以福萬事。後有門人。以增以新。長令淨白。不生埃塵。敍我以舊。託我以文。乃強爲述。昔吾先君。後一行書云。天慶六年歲次丙申。八月壬戌朔甲午十三日丙子。建先君朝散大夫。守少府少監。甜水鹽院都監。前知東京警巡使。兼遼陽府少尹。特進清河縣開國男。食邑三百戶。驍騎尉。賜紫金魚袋。張口。建塔先師講經律論沙門守奇。同建塔弟講經律論通法大德。賜紫沙門道鄰。東平呂。又碑陰文云。大元國懿州路興中州大通法寺常住上下院地產碑記云。鄉曲晚進。東巖樵隱。安思道撰并書。佛氏之道。肇興西竺。繼入中華。綿亘往古。其所由來者漸矣。時或垂滅復興。稍微愈熾。稽諸前史。而有定論也。余少時常陪緇宿輩。爲方外游。日相親好。一接清談。胸臆灑然。終日忘倦。尋閱經文。粗知其略。大抵如來示教。一方便爲門。利生爲本。使學者嚮善背惡。去彼取此而已。故其化人也易。其入人也深。夫如是。歷生滋久。其法彌彰。俾世之俗。咸願歸依。奉香火而結靜緣。崇祠宇而徵福利者多矣。矧夫童髮捨身。服膺是教者。尤難槩舉。推原其理。良有以焉。眷此名藍。第爲壯觀。襟龍岫而帶狼河。接松漠而雄柳郡。詢及創始。罔克周知。博聞祖師琛公和尚。棲息於茲有年矣。元風以之而振。佛日以之而明。自時厥後。生徒接踵。一代不乏人。嗣法僧曰添曰孝。琛公之雲

仍也。前後歷典寺事。殿宇堂廊。摧圯者力爲修葺。一旦添興孝祠。相謂曰。僧務字。井字。一。條爲本。派上
 下院常住。地土多寡肥瘠。隨宜播種。歲計所入。粗供齋粥。尙慮陵谷遷變。迷惑畛畔。殆非貽厥後字。良
 謀也。曷若刻諸石。昭示空門。永爲張本。固不遑歟。二僧謁余。以記文見屬。添俗姓胡氏。本郡人也。爲余有
 里閭之舊。義不能辭。謹撫其實。姑述始末云。本寺。東。南。北。三。至。官。巷。西。城。西南。常住。莊。田。東。至。崇。福。寺。西。
 計。七。百。六。十。步。而。至。安。家。地。北。至。官。和。龍。山。華。嚴。寺。東。至。東。山。分。水。嶺。南。至。山。分。水。嶺。西。至。大。決。口。並。
 道。井。張。家。地。南。北。計。六。百。五。十。步。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 祖。塋。北。墳。山。坡。嶺。頭。西。北。至。分。水。嶺。北。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 顯。祖。莊。子。三。處。石。匣。凹。子。東。至。磨。皇。子。山。嶺。頭。南。至。現。黃。山。子。坡。下。地。東。至。官。道。南。至。梨。樹。灣。子。北。至。家。填。西。
 子。北。至。劉。家。地。北。靈。山。寺。東。至。分。水。嶺。南。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 寺。分。水。嶺。北。至。一。字。山。分。水。嶺。南。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 心。南。至。玉。泉。寺。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 寺。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 至。分。水。嶺。北。至。一。字。山。分。水。嶺。南。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 葛。家。嶺。北。至。黃。字。一。寺。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 石。門。山。寺。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 道。北。至。李。家。地。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 四。二。至。李。家。地。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。
 禪。院。東。至。松。靈。威。寺。北。至。官。街。西。至。周。家。地。南。至。松。巖。寺。東。至。者。山。南。至。寺。家。填。西。

今皆基址不可考而尙可想像存此以備典故是日僧照鉢求詩爲題禪堂山水畫二首云一幅青山綠水圖居然筆意近黃蘇不知絕頂松根寺可有番僧得到無細雨勾留駐此間禪堂心與白雲閒與中州外朝陽洞試問何如畫裏山

十五日大雨仍駐朝陽題朝陽洞詩一首云怪石嶙峋下朝陽洞共傳門高常見日樹密不遮天臥佛巔眉古飛仙羽扇還年深人罕到時有磬聲圓

十六日晴自朝陽縣向西行三十里大廟子食四十里過青溝梁山溪迂回登頓頗高溝邊有花數株葉似水楊柳而稍圓花單瓣白色土人呼爲山丁香二十里憩牛膝河屯五十里至林家地宿有楊陳二學童來謁頗嫻禮文以上又屬建昌縣所轄蓋各州縣所管蒙古四十九旗以旗分不以地分故往往犬牙相錯如此

十七日八里過熱水塘相傳水可療疾蒙古人常相率於此沐浴是日始見蒙古包以熟牛皮爲之象罩之間用氈蒙頂上有穴以通烟爨前開小門出入行則用大車以牛馬馱之並載帳房各帶轎輿以載家小是日野宿候沐者十餘家十二里至孟哥店食自店轉向西行六十里至五十家子午食所見蒙古多騎駱駝五十里至漢溝宿

十八日五十里過老河源出諸山泉水東流入海橋壞無船人與馬亂流而渡十里至建昌營食四十里過沙爾噶河譯漢音言河之渾也發源自圍場內大山曲折而下由遼陽入海奔湍甚急以車輪橫鎖爲

橋上加黍階。實土如浮橋然。河邊卽步步屯。五十里至赤峯縣。舊名烏蘭哈達。譯漢音。言山勢之紅也。其峯在縣西南。紫翠峭削。如霓如雲。返照壁間。稜角愈見。是日通判管知縣事那公穆塔來會。公解潔麗。修整廬市寬廣。人民繁庶。

十九日微雨。自赤峯向西行。山愈遠。地愈平。沃野數百里。晡雨大作。六十里至大碾子。食。沿石碑溝河行。河發源於毛金壩。東流歸老河入海。二十里至木匠營。稍憩。行榆林中。雨益大。始聞雷。二十里至公爺府。宿。以地有蒙古公府故名。抵旅舍已漏下一刻矣。

二十日晴。山石碑溝沂河而行。平川青草。兩岸榆林。羊牛遍野。過蒙古喀喇親王府。樓閣崔巍。潭潭府居。與內地無異。環以蒙古民百餘家。其中紅牆紺宇。喇嘛寺也。五十里至瓦房。食。雨復作。寒甚。聞王子方布。圍逐虎。得詩一首云。塞上清和候。寒冬十月同。空山一夜雨。老屋四邊風。面襯貂裘黑。爐添獸炭紅。更聞人較獵。逐虎出林中。自此三十里之兩家兒。四十五里至馬廠。有茅屋一間。旁築室三楹。爲蒙古王出獵棲息之所。亦不堪託足。少憩。大雪寒風射人。得詩一首云。大雪從風下。邊荒四月天。花開無葉樹。徑糝未鋪氈。毳帳人何往。霜驪馬可憐。沉霾何處豁。見脫出雲烟。四十五里至毛金壩。宿。是日所過。溪流清淺。四山多樹。異花匝地。啼鳥時聞。但爲喀喇親王園場。禁人樵採。亦無內地佃民耕墾。是以一百二十里並無居人。而沿溪柳尙未葉。桃初含蕊。風氣亦異。薄暮始抵毛金壩山嶺。借宿山神廟。樹柵爲籬。狐嗥猿嘯。一燈睽睽。寒星在戶。是日始覺有行役之苦。

二十一日大雪。登毛金大梁。在天之半。懸巖大壑。晶翠重巒。大風吹衣。自雲繞足。扳作之字。樓出重霄。羊腸熊耳。不足爲險矣。其道平治。因月前阿米都布魯罕初過。華言活佛也。有花滿山。如錦如火。花四瓣。倩紫色。木本。高二三尺。無葉。幹似梔子。不香。而土人呼爲大紫香。又有小白花。木本。葉似榆。高亦二三尺。一莖十二朵。或十三朵。每朵五出。黃巔似稻花。俗呼爲螞蚱腿。然皆不知究何名也。乃知奇花異木。不列嵇含草木狀者多矣。下嶺向南行。有溪出嶺下。奔輪激石。活活有聲。亦向南流。而沿溝榆柳。又皆著葉。相隔一嶺。而天時不同如此。此後始有居民村落。午後。雪變爲雨。時止時作。六十里至七家兒。食。三十里至黃舖營。過楊樹溝。三十里至章家營。宿。是日得詩一首。毛金大嶺云。曲折峯頭下。濃雲撥不開。却從平地看。始覺自天來。花滿千山雪。泉奔萬壑雷。非言同叱馭。馬首正東回。

二十二日晴。四十里至十八汰。十里薩喀牛路。過行宮。卽皇上出哨駐蹕之所。十里至黃姑屯。食。有巡司得署報。閱會試題名錄。知舍弟驥元下第。會元爲錢肇。吾鄉中式者四人。三人係解元。亦奇事也。十里過驛馬兔河。發源於哨下。由遼東入海。三十里至兩間房。四十里至灤河沿。午食。此水下流。卽灤平縣也。四十里至豐寧縣。舊名土城子。又名四旗廳。通判管縣事。託公諱倫來會。是日共行一百八十里。二十三日。自豐寧縣署食罷。順舍利塔河南行。河在兩山之間。曲折作之字。故凡過二十餘渡。午。雷雨大作。兼雹。須臾復晴。五十里至波羅腦。普惠寺。食。寺卽華新。金碧輝炫。爲口外招提之第一。飯罷。過波羅腦。梁從山半曲折而上。頗爲險峻。二十里至興州。古宜興縣。墟址尙存。土人云。有帖木丞相紀功碑在城北。

字多不可識。又有天啓年碑。晚未得訪。三十里至鞍匠屯宿。有巡司。是日得詩一首。波羅腦普惠寺云。沙際波羅腦。禪扉一徑分。僧眠半巷月。馬渡一溪雲。紅藥何人贈。清談未有羣。南山誰得雨。已覺轍車聞。二十四日。二十里至十八盤。迤路遶繞如蛇之蟠於山麓。三十里至三岔口。食。二十里至巴克什營。台熱河大道。十里至古北口。接承德府常太守信。並寄熱河土產。花榆根小兒桌各四。茶盤各八盒。各二。進口拜提督常公詩。十里至南天門大悲菴。有聖祖仁皇帝御題洛迦仙境四字。寺壁石刻詩數首。有康熙四十三年九月二十一日。扈從經南天門大悲菴。恭瞻御詩。敬賦翰林院編修勵廷儀詩云。岡巒綿亘塞垣邊。紺宇輝煌插碧天。仙榜祥開珠貝燦。奎章高并日星懸。千春呵護煩神力。五夜光明照法筵。當代以來今駐輦。山靈望幸自年年。翰林院編修汪灝詩云。層門巖崿豁南天。梵宇靈蟠御墨鮮。員嶠遙臨秦塞側。普陀飛落漠關前。河流夜急龍吟字。樹影朝翻鳳舞烟。歲歲鸞輿巡幸過。鐘聲嘹唳祝堯年。翰林院編修蔣廷錫詩云。崔嵬殿宇挾飛仙。海上磐陀在眼前。境似落迦座路_闕一。相同水月法輪圓。風高鐘磬經聲遠。露溼蛟龍御墨鮮。常看吉祥雲護衛。長明燈火盛千年。三十里大雨復晴。過潮河至石匣。宿口內柳絮飛花。麥穗垂垂矣。

二十五日。自石匣至密雲六十里。食。七十里至順義縣。午食。五十里回通永道署。